

欽定剿平粵匪方略

欽定剿平粵匪方略卷三百五十九 癸亥年

十一月十五日 戊午 都興阿奏冒據總兵

稟稱探得蘇城克復後望亭賊營亦經攻克忠  
逆從蘇州率大股悍賊直犯萬壽橋各營經劉  
銘傳督軍迎擊該逆大股奔竄又探得忠逆欲  
合護侍各逆乘火輪船並礮船率悍賊數萬竄  
擾江陰並欲北渡以解金陵之圍查現在蘇城

克復忠逆賊黨已無歸路勢必鋌而走險沿江  
一帶水陸防務不獨江陰一處喫緊卽申夏圩  
塘等處均屬險要當飭吳全美督帶礮艇由丹  
徒南岸節節防堵隨時截剿以固江防又飭副  
將蔣臨照等統帶駐防靖泰各營於沿岸地方  
聯絡防範使該逆無隙可乘

同日馮子材魁玉奏言臣等前因滬軍直擣蘇

垣擬由鎮防撥兵進規丹陽以資牽制十月二十  
十六日總兵田宗揚張文德率十二營自鎮進  
發臣等面授機宜我軍先紮越河諫壁一帶依  
山築壘俟布置稍定然後揮軍深入直徧逆巢  
正在滾營進紮間連接探報蘇州無錫各城業  
已先後克復因思南岸各城壘下賊勢如羣川  
赴壑鎮防實首當其衝一而飛飭田宗揚等持

重堅定聽候進止一而多派偵探察看賊蹤所向旋謀知僞忠侍輔護諸會率所部死黨盡銳併竄自常州以迄丹陽句容縱橫數十里約有六七萬衆忠會李秀城竄入丹陽城內指揮羣逆沿江焚掠遊騎充斥西南一帶其勢甚張臣等伏思蘇州一城係羣逆東南命脈一旦失所憑藉狼奔豕突事在意中且金陵被圍日久屢

調忠逆往援該會兇悍爲諸賊冠茲旣遁入丹陽勢必糾合醜類亟圖一逞或疾撲金陵或聚攻京口均未可知鎮城孑立濱江三面受敵東路如新豐餘干南路如馬陵博洛西路如高資上塘等處逆蹤山沒飄忽難防提臣鮑超一軍自溧水受降後是否進攻句容尙無消息臣等權衡緩急自應以慎固危疆力持全局爲第一

義當飭張文德率定制復勝四營卽日回防以  
厚兵力並令田宗揚所部歸併丹徒駐紮聽候  
調撥聯絡東南聲勢以期互相策應均奏入

上命議政王軍機大臣傳諭曾國藩都興阿李鴻章  
馮子材魁玉曰蘇州無錫各城先後克復忠侍各  
逆竄併丹句一帶圖竄北岸鎮防實首當其衝馮  
子材等調張文德所部四營回防以厚兵力並令

田宗揚一軍歸併丹徒駐紮聯絡東南聲勢所籌  
均尙周妥卽著督飭在防各軍實力扼守以逸待  
勞庶戰守皆有把握不致爲窮寇所乘鮑超全軍  
現紮東壩此時溧水已復自應進圖句容以斷忠  
逆援救金陵之路著曾國藩飭令該提督迅速進  
兵將句容踞逆殲除該逆不能回援金陵勢必猛  
撲京口亟圖一逞如馮子材等兵力不敷分布並

著曾國藩飭令曾國荃撥兵協助可使金陵暫緩  
合圍斷不可令鎮城有失都興阿片內有探聞忠  
逆欲合護侍各逆乘火輪船礮船竄擾江陰並欲  
北渡以解金陵之圍等語江陰現係駱國忠駐守  
其兵力是否足資抵禦應否添兵協助著李鴻章  
迅籌布置嚴飭防江師船扼剿並防其由江陰口  
岸渡江而北金陵漸次合圍曾國藩宜飭曾國荃

等加意偵深守禦以防忠逆竄突江北防務正關  
緊要都興阿當遵疊次諭旨督飭水師嚴防北竄  
毋得稍有疏虞忠逆旣竄丹陽城內常郡守禦自  
必空虛李鴻章昨奏兵勇血戰經年擬暫爲休養  
惟機有可乘時不可失著該撫揀擇選鋒乘勝前  
進如能一鼓攻克則丹句之賊勢必望風瓦解想  
李鴻章必能相機辦理籌畫萬全也

十六日己未張凱嵩奏言石逆餘黨李幅猷分股

奔竄一由賀縣逃往廣東開建縣界一竄黔楚  
交界播陽所其奔逃開建一股續據探報復星  
夜折山蒼梧邊境竄至懷集縣藍洞地方旋由  
僻徑橫竄沙基突入荔枝鋪一帶九月二十二  
日署知縣況逢春與署守備李占元督率團紳  
馳往勦剿殄匪甚眾賊卽奔竄二十三日我軍

前隊追至下寨一面催集大團二十五日兵練  
分路攻入賊村匪勢不支奪路狂奔我軍奮力  
縱擊立斃匪黨二百餘名生擒悍賊七十五名  
餘匪連夜竄往廣東連山廳屬之石田墟我軍  
追至石田該匪已由高鄉一帶竄入陽山縣界  
況逢春正在查點西路團練分別撤留詎該匪  
於二十七日復由陽山邊境竄至懷集交界之

石塋地方況逢春李占元移軍堵截陽山縣亦有勇練截剿該處山路崎嶇羣匪進退失踞遂樹柵築壘拒守以圖休息並分紮長岡松岡大洞大田等寨負嵎自固我軍會合陽山連山各團逐日攻擊焚燬長岡大田二寨斃匪二三百名該匪復沿村挖濠灌水外釘竹籤勢將久踞十月十一日況逢春遣勇目黃光亮持臣所發

解散告示直入賊巢曉以利害首逆李幅猷令其弟幅忠面議投誠遲疑未決而其黨則多半樂從十二日黃光亮回報況逢春乃豎旗招降散其黨與三十四等日投到各省難民二百六十七名其由閒道走散並未投營者尤復不少況逢春查訊衆供僉稱李逆自知罪大不敢投誠意欲他竄等語況逢春等乃密議分路合

圍攻其不備十五日兩省勇練競前填濠焚柵  
先將松岡大寨攻破該逆猶拌死支撐外委鄭  
煥彪等搶入賊隊刺倒悍賊多名羣賊披靡李  
逆率其死黨奪路逃竄我軍沿途追殺賊屍枕  
藉是夜追至陽山縣屬之泉坑又擒斬百餘名  
救出難民三百餘名餘匪約一二千人連夜由  
陽山之白帶寨岡竄去十七日有東省兵勇趕

到立即督隊跟追況逢春仍督隊堵守要隘以  
防回竄其前竄黔楚交界一股倏遠倏近轉徙  
靡常九月二十七日移踞開泰縣屬之陽朝草  
坪地方負嵎抗拒臣嚴飭在事文武協助黔楚  
兵練訂期進攻該匪忽於十月十一日自焚其  
巢全股突出向永從縣竄去相距懷遠愈遙查  
貴州永從縣境與廣西羅城縣之三防接壤若

由永從走古州繞出荔波獨山可入廣西之河  
池思恩等州縣風聞此股逆匪志在趨粵臣已  
調撥靈字營勇駐守三防小路並飛飭副將黃  
仲慶等帶所部勇丁馳往慶遠府屬確探堵剿  
奏入

上命議政王軍機大臣傳諭毛鴻賓勞崇光張亮基  
輝世臨張凱嵩郭嵩燾曰張凱嵩奏李幅猷一股

竄至廣西懷集縣之石塋地方意圖久踞署知縣  
況逢春等督團截殺賊匪甚多餘匪一二千人由  
陽山之白帶寨開竄去其前竄開泰縣屬一股自  
焚其巢向永從縣竄去等語李幅猷股匪經此次  
痛創後餘黨尙有一二千人亟應各省合兵夾擊  
聚而殲旃著毛鴻賓勞崇光張亮基郭嵩燾惲世  
臨等各飭在事員弁實力堵截嚴密兜拏或懸賞

購獲首逆或設法解散脅從務將積年巨款一鼓  
殲除毋令豕突狼奔餘燼復熾方能永靖邊陲至  
貴州永從縣境與廣西之羅城接壤若由永城走  
古州繞出荔波獨山可入廣西之河池思恩等州  
縣此股逆匪本有趨粵之志自應扼要嚴防著勞  
崇光等迅派兵勇迎頭截剿張凱嵩飭令副將黃  
仲慶等探明賊蹤所向嚴密堵剿毋得稍有疏虞

十七日

庚申

都興阿奏冒竊自蘇城克復賊黨紛

竄臣飭令吳全美督率水師於沿江地方加意

防範旋聞蘇垣敗賊竄至丹陽一帶十一月初

二日忽有賊衆突至江邊經總兵李起高開礮

擊退旋據探劉巷朱家圩等處有賊衆數千意

圖擄船渡江撲犯太平洲初三日鎮海菴對江

之龍虎埭復有賊馬步隊一二千人馳驟而來

李起高卽督礮船星馳迎勦一面飛調參將吳奇勳等各帶礮船接應逆衆直前撲犯各船輪流轟擊殪賊甚多賊仍不退李起高督隊登岸抄擊鏖戰許久斃賊無算賊始逃遁我軍追殺里許各收隊回船是日總兵郭定猷瞭見賊犯龍虎埭李起高揮軍迎敵當派把總劉永安等各帶勇丁一齊登岸助勦擊倒逆匪甚衆臣仍

飭令沿江水師嚴爲戒備以杜該逆乘虛竄渡  
奏八

上命謫政王軍機大臣傳諭都興阿富明阿馮子材  
魁玉曰蘇垣敗賊竄擾丹陽一帶突至江邊經總  
兵李起高等軍擊退劉巷朱家圩等處賊衆撲犯  
鎮海菴對江之龍虎埭我軍登岸迎擊賊始回竄  
該逆窮極思竄鋌而走險旁擾鎮城北犯揚防均

屬意中之事著都興阿富明阿馮子材魁玉督飭  
各軍扼要布置嚴密堵禦如鎮營兵力不敷防剿  
並著都興阿撥兵策應總之揚州鎮江兩軍雖營  
分南北實則同辦一事必須聯絡一氣互爲聲援  
方不致爲賊所乘不得稍分畛域致誤戎機

同日惲世臨奏言李幅猷股匪遁入連陽山內  
之石塋坑尾一帶築壘負嵎臣飛檄福建臬司

張運蘭副將楊虎臣等分道入粵該員等於十月十一日分抵連屬寨岡七拱司隨派三營於十四日馳抵距石塋三十里之茶巖駐紮該匪畏懼乞撫張運蘭等密約團練聯絡官軍四路布置以防其變十六日賊目二十餘名隨同紳士羅傳心詣營張運蘭等察其情詞尙無詐僞限令緦獻首逆聽候遣散十七日該賊目等將

石塋坑尾賊壘概行焚燬呈繳名冊及軍械偽  
印多件張運蘭等會同連州知州嚴先佑帶隊  
前往點驗內有偽旗帥向日鼎偽元宰李輔偽  
武衛將軍夏洸新及小頭目秦明瑞等三十餘  
名均係積年悍賊卽於軍前正法餘黨三千餘  
名訊明籍貫分別遞解其路遠無歸者酌量就  
地安插部署已定惟查首逆李幅猷潛避未到

張運蘭等嚴飭各營趕緊搜緝十九日復拏獲  
僞軍略曾潰伍幅勝二名又設法購綫派得力  
勇丁逐日於山僻處所節節搜捕二十二日捕  
至連州所屬之鐵坑李幅猷率死黨十餘人伏  
匿在彼猶敢拌死拒捕壯勇范正綱奮呼衝殺  
劈傷該逆頭額登時就縛餘人無一脫者現將  
李幅猷曾潰伍幅勝解赴廣東審辦連陽地境

一律肅清至該逆分股李七竄擾黎平洪州所  
蔓及通道邊界十月初七日周洪印進剿獲勝  
賊衆併歸野崗洪州等處初十日署古州鎮成  
應洪督帶兵勇進紮黎屬下溫約同分攻洪州  
野崗十一日周洪印派隊進至距野崗十餘里  
地方分三路直撲賊寨鏖戰逾時賊不能支悉  
向洪州下溫竄走十二日據探報該逆竄至下

溫將成應洪營盤攻破兵團潰散成應洪不知  
下落賊之前隊擾及中朝潘老竹坪等處距黎  
平府城僅四五十里周洪印當飭參將李金榜  
率飛字右營兼程赴黎協守並調齊知府戈鑑  
等營擬由黎平進剿該逆知楚師踵至星夜退  
竄宰宰四寨離府城九十餘里其地與粵西融  
縣接壤周洪印見黎危已解而楚邊防兵過單

恐賊蹤復繞道融懷以窺綏通因令滕加洪李金榜暫駐黎城而自率戈艦楊洪明等折回靖州探明賊勢相機防剿臣已分飭參將彭炳武等於寶永邊隘實力巡防如果該逆仍趨龍勝以圖東竄卽便會合粵軍四面兜圍若尙徘徊黔中亦卽會合黔軍認真剿辦務將此股悉數殲除以副

皇上綏靖邊疆之至意奏入

上命議政王軍機大臣傳諭毛鴻賓勞崇光張亮基  
惲世臨張凱嵩郭嵩燾曰李幅猷自竄入粵東連  
陽山內之石塋坑尾一帶經臬司張運蘭等督率  
湘軍入粵馳勦賊目二十餘名詣營乞降將石塋  
坑尾賊壘概行焚燬張運蘭將積年悍賊僞旗帥  
向日鼎等三十餘名悉予誅餘黨三千餘名分

別遣散安插李幅猷逃至連州所屬之鐵坑復經  
兵勇捕獲並拏獲僞軍略曾潰伍幅勝二名解赴  
廣東審辦連陽境內一律肅清辦理尙爲得手李  
幅猷以石逆餘黨著名兇悍現經官軍拏獲卽著  
毛鴻賓郭嵩燾將該犯等訊明後盡法懲治該逆  
全股竄擾蜀黔楚粵現雖窮蹙乞降難保不陰謀  
反側惴世臨所稱分別遣散安插之處能否不貽

患將來著毛鴻賓憚世臨郭嵩燾飭令地方官及帶兵員弁實力搜捕妥籌辦理其已降之衆如有叵測卽當一律剿除以清後患至該逆前竄開泰縣屬一股昨據張凱嵩奏於十月十一日自焚其巢全向永從縣竄去又經李幅猷與其弟李幅忠而議投誠遲疑未決意欲他竄此次憚世臨奏稱該逆分股李七竄擾黎平洪州所等處復竄至下

溫攻陷成應洪營盤經周洪印等追剿復退竄宰  
窖四寨地方所稱李七是否卽係李幅忠其宰窖  
四寨之賊是否卽竄往永從之股分擾現在李幅  
猷旣經生擒該逆黨與自己聞風膽落正宜乘此  
聲威合黔粵及楚省官軍埽清全股以靖邊圉著  
勞崇光張亮基惲世臨張凱嵩督飭各該省官軍  
會合兜剿無分畛域務將積年巨患殲除淨盡毋

得藉口邊防株守境內儘有意存觀望任令匪蹤  
鋌走將來竄往何路肆擾卽將何省會勦不力之  
員弁從重治罪決不寬貸此次成應洪旣與周洪  
印約會進攻何以該逆竄向洪州下溫攻陷營盤  
未見周洪印接應難保非該副將心存畛域坐視  
不援卽著惲世臨查明叅奏成應洪下落並著勞  
崇光張亮基查明辦理

二十日

癸亥

曾國藩奏言曾國荃雨花臺一軍於

十月初五六等日攻克淳化解溪隆都湖墅三  
全鎮五隘破賊二十餘壘金陵城東百餘里內  
一律肅清遂於十五日進紮孝陵衛城賊運糧  
之路業已斷絕惟城內賊數尙多其氣尙固我  
軍於四月間開挖地道直至十一月初五夜始  
得挖成用火藥轟陷十餘丈該逆內築月城下

穿橫洞竟能搶堵缺口我軍陣亡三百餘人傷  
者更多蘇州克復後聞僞忠王之計將入金陵  
挈洪逆以出竄臣觀洪酋之堅悍未必肯棄金  
陵而竄他處目下當以全力謀破堅城一面布  
置各軍分堵上游事機愈順圖謀愈不可不慎  
奏入報

問

二十一日子都興阿奏言逆衆自竄擾龍虎埭

擊退後數日以來均無動靜現聞丹徒一帶難

民紛紛濟渡臣派令侍衛訥依楞阿等赴三江

營大橋一帶及七濠口八濠口等處巡查彈壓

頗爲安靜惟聞數日前南岸賊竄鎮江丹徒新

豐等處尙無確信又據駐防泰靖之副將蔣臨

照探稟連日南岸難民由六七圩港土橋龍王

廟等處北渡者每日不下五六百人詢據各難民聲稱逆匪仍屯聚漁塘魏村一帶約有數萬並有薙髮之匪聲稱投誠之信沿江各港師船扼泊防剿甚爲嚴密現當蘇垣敗匪窮極思竄之際誠恐溷入難民乘間北渡已嚴飭水師仍令下游難民由六圩八圩兩港對渡俾易稽查其餘各港仍一概封禁並飭蔣臨昭等於該兩

港口設卡認真盤查其上游難民專在七濠口  
一帶濟渡飭遊擊鄭啟貴等嚴密稽察此時敗  
匪雖竄至常州一帶幸該處水陸毗連鎮江者  
居多鎮營穩守兵力較厚似可無虞臣惟有悉  
心整頓水師倍加慎密不敢稍有疏懈奏入

上命議政王軍機大臣傳諭都興阿曰江北軍情既  
據都興阿奏逆賊自龍虎埧敗退後數日來均無

動作三江營七濠口等處均尙安靜沿江水師扼  
泊甚爲嚴密惟當此南岸軍務得手之時誠恐該  
逆併力北犯且丹徒一帶及六七圩港等難民北  
渡甚夥尤恐溷跡其中此時揚軍防剿機宜尤當  
慎之又慎著督飭在防水陸各軍妥籌戰守不可  
稍有自恃如鎮城情形喫重仍須撥兵協助毋稍  
疏虞

二十三日

丙寅

李鴻章奏言

臣

派撥水陸各軍分

路兜剿浙西之賊疊據劉秉璋呈稱嘉城東六里張涇匯爲婁嘉平三邑要路該逆堅壘重濠聯絡固守劉秉璋先於十月二十日由楓涇帶隊進攻該處官塘南北岸有石壘四座逆衆出拒我軍拔樁下濠分撲各壘劉秉璋在濠邊揮戰援賊大至我軍憑河分堵猛撲數十次賊在

營後站隊壘賊抵死拒敵劉秉璋假受槍傷仍  
督隊撤回嘉善踞賊遂連日糾衆出竄劉秉璋  
派令略東昌帶船分扼茜涇及伍子塘與曾守  
忠師船聯絡二十一日城賊大股直撲干密之  
鳳洞橋大通橋一帶離伍子塘不遠略東昌等  
師船並進連毀亭子橋口及鳳洞橋木卡二座  
斃賊不少賊卽敗走退至大通橋外二十八日

城賊又山大股馬步萬餘人槍礮船百餘號由  
南星橋分股撲東茜涇口師船分投迎擊賊猶  
恃衆不退劉秉璋以茜涇爲西塘楓涇中間要  
路二十九日抽派水陸隊伍往剿該逆屯踞大  
河南北中搭浮橋於南岸橋口築卡我軍先擊  
退北岸之賊又進擊南岸之賊該逆退入村莊  
小有斬獲三十日水陸各軍復分路夾擊列隊

苦涇四汊河口擊斃南岸賊二百餘人賊勢不  
支由浮橋南退適太湖水師及潘鼎新楊鼎勳  
各營亦皆派隊來援賊衆狂奔橋斷溺斃無數  
我軍乘勝追擊賊仍逃入城中其北岸與未及  
過河者二百五十餘人悉數擒獲十一月初四  
日劉秉璋創傷漸愈又率水陸各營往攻張涇  
匯潘鼎新亦派徐道奎帶三板船十七號趙濟

川帶礮隊兩哨助勦劉秉璋令蔡渭川等帶船  
攻河南石壘以綴賊勢令趙濟川以炸礮打河  
北橋頭賊壘斃賊甚夥賊仍抵死不退聶桂榮  
等帶二營一齊猛撲拋擲火罐延燒賊屋賊始  
慌亂我軍肉薄以登殺賊百餘當將北岸橋頭  
賊壘攻克其餘壘賊各駭而奔適善城援賊大  
至我軍分路包抄斬敵數百人賊棄械狂奔所

有張涇匯賊壘一律攻奪劉秉璋當派袁發萬  
重喧填紮二營爲進逼嘉善地步臣仍飭劉秉  
璋等相機攻勦程學啟李朝斌水陸各軍亦已  
次第分道前進冀成犄角之勢

李鴻章又奏臣於十一月初五日馳往無錫  
晤商李鶴章劉銘傳等偵知常州護逆一股因  
蘇錫克復其部衆漸已離心正當乘機進取遂

飭劉銘傳督帶所部九營並略國忠二營張桂  
芳一營由江陰西南焦塹三河口等處進紮李  
鶴章派周盛波張樹聲等十二營由運河官塘  
進紮圖攻常州步步爲營穩慎籌辦

臣訊據無

錫逆首僞潮王黃子隆供稱忠逆現帶各股賊  
衆退聚丹陽欲突圍入金陵將洪秀泉之子擁  
戴出城竄擾江西仍留僞天王守金陵以待援

應等情未知確否業將該逆首黃子經暨其子  
黃德懋凌遲處死懸首示衆又准曾國荃來函  
金陵官軍業經合圍城中接濟已斷驚擾異常  
惟洪逆踞陴死守似忠逆未必能遂入城卽進  
城未必能再出竄各路防備自須加嚴臣於初  
九日由無錫回蘇督籌善後各事查城內降衆  
難民尙有十數萬人近甚安靜其籍隸廣東湖

南北江西者酌給川資先行押送過江遞送回籍其隸皖浙江蘇者分別資遣安置派令署臬司郭柏蔭督同府縣官紳次第經理仍派六營分門駐守以昭嚴密

同日馮子材魁玉奏言近據密探忠會李秀城竄踞丹陽所帶敢死之賊尙有數萬覬知鎮郡兵單謀卽日大舉環攻以圖掣我江防動搖全

局嗣見新豐越河官軍層層收束各防營疊聯  
絡謹嚴無懈可擊遂率死黨潛竄句容龍潭一  
帶而去臣等一面函知曾國荃嚴爲準備一面  
多派員弁分投偵探仍令水陸諸軍加意防範  
頃准曾國荃函覆忠逆已於十一日帶馬隊數  
百潛入金陵步賊仍紮句容丹陽寶堰石埠橋  
龍潭等處覈與鎮營謀報大略相同查蘇城旣

拔羣賊以金陵爲去就忠會陰驚梟悍惟所指  
揮此次該逆悉衆上援不急於解圍而輕騎入  
城自必另有詭計至侍護兩逆死守常州溧陽  
等處兇燄尙熾丹陽逆首格添義恃其糧多黨  
衆負隅益堅鎮防係南北咽喉深慮逆氛橫溢  
防務甚形喫重一俟上游機有可乘臣等仍當  
激勵三軍力圖攻剿斷不敢稍滋延誤均奏入

上命議政王軍機大臣傳諭曾國藩左宗棠李鴻章  
沈葆楨馮子材魁玉曰張涇匯爲嘉善東隅要隘  
現經官軍攻克賊膽已寒著李鴻章督飭劉秉璋  
等進倡縣城並飭程學啟李朝斌水陸並進迅掃  
賊氛以孤浙西賊勢俟嘉善克復卽可直擣嘉興  
左宗棠前已進攻餘杭現在嘉善之師正當得手  
著該督分撥所部將士會合兜剿速克堅城劉銘

傳等軍山焦塾三河口進紮與李鶴章會攻常州  
步步爲營辦理甚爲周妥卽著李鴻章嚴飭劉銘  
傳李鶴章等穩慎籌辦毋稍大意馮子材接據曾  
國荃函稱忠逆已於本月十一日帶馬隊數百潛  
入金陵步賊仍紮句容等處現在金陵業經合圍  
著曾國藩飭令曾國荃等督飭各軍嚴加備禦密  
速圍攻斷不可令忠逆乘隙他竄李鴻章奏據逆

首黃子灘供稱忠逆欲突入金陵將洪秀泉之子擁戴出城竄擾江西所供情形雖未必盡屬可信然不可不加意嚴防著沈葆楨督飭江西各軍豫爲防範扼守要隘毋令竄入江境致滋蔓延蘇城降衆難民尙有十數萬之多著李鴻章飭令郭柏陰等妥爲安插毋令滋事

二十七日

庚午

李鴻章奏言劉銘傳於十一月初

九日帶隊抵常州城北十五里之陳都橋其前  
營滾進距城四五里地方探視城外各門賊營  
林立人數甚衆劉銘傳督軍由羊頭橋間道深  
入而圩塘賊營三座適包我軍之後幸屢戰皆  
捷飭駱國忠兩營暫紮西施橋扼其竄路張桂  
芳等滾紮孫村距城僅隔一河徐得勝者貫兩  
營紮過河西卽有常州西路奔牛鎮石城賊會

邵小雙率衆二千乞降劉銘傳卽令駐守該處  
堵擊丹陽援賊李鶴章派周盛波張樹聲兩軍  
於初七八日由無錫進紮戚墅堰初九日周盛  
波進抵常州城東十五里之捕鼓橋張樹聲攻  
奪白家橋賊卡十一日卽派兩營進紮白家橋  
周盛波哨至東門三里橋攻破賊卡一座逆衆  
萬餘由西南兩路來撲我軍鏖戰良久斃賊甚

多賊退入營十三日各營出隊先搭浮橋數道  
並築長卡陸續滾進李鶴章已將無錫城守布  
置就緒馳赴常州督剿十四日劉銘傳督所部  
進攻西北門外各營一而飭令唐殿魁等環攻  
圩塘之賊該逆抵死拒守我軍以礮轟坍營牆  
各勇拔椿踰濠一擁而入先破賊壘三座擒斬  
無數城賊二三萬蠡擁山救劉銘傳督隊分投

逆勦力戰兩時賊敗退入城劉銘傳乘勝攻擊  
連破東北門外賊營十數座收降卒一萬五六  
千人十五日李鶴章飭周盛波等於五鼓出隊  
進攻東門賊營連破石營數座擒斬數千我軍  
入據其壘與劉銘傳各營一氣聯絡又會攻小  
北門口大石營劉銘傳正用千里鏡測望礮路  
被賊洋槍子中傷頂額登時暈倒幸入骨未深

子已取出午刻僞護王陳坤書率衆數萬出南  
門繞撲周盛波營後我軍大隊撤過河南張兩  
翼迎戰逾時賊乃潰走乘勢追過西門大河擒  
斬溺斃數千人破南門石營兩座臣查護逆一  
股久踞常州人數雖衆不甚耐戰前此疊援江  
陰無錫經劉銘傳屢次擊敗又值蘇錫克復軍  
氣愈奮賊膽愈虛祇以城堅池深各門外多紮

堅壘爲死拒待援之計茲劉銘傳李鶴章等乘其衰蹙神速猛進勦撫兼施連克賊營二十餘座收降二萬餘人城外已漸肅清丹陽宜興來援各路亦經紮斷該逆似難久踞臣已函囑劉銘傳加意調治裏創督戰並飭李鶴章設謀招撫仍督隊速攻以期早克名城再浦東一路自劉秉璋攻克張涇匯賊壘平湖賊酋陳恩榮赴

潘鼎新營中乞降初八日已率衆薙髮獻城當  
將平湖縣城收復官軍旋入協守乍浦嘉善賊  
酋亦紛紛具稟投誠臣飭劉秉璋潘鼎新相機  
察辦俟措置就緒再行縷晰陳明程學啟卽日  
拔隊進攻平望與劉秉璋等隨時會商辦理奏  
八

上命議政王軍機大臣傳諭李鴻章曰常州逆匪堅

守待援經李鶴章等分路進攻連克賊營二十餘  
座收降二萬餘人丹陽宜興來援各路亦經紮斷  
該逆諒難久踞卽著飭令李鶴章等迅速圍攻力  
拔堅城毋令護逆乘間免脫其丹宜等處賊援之  
路仍應加意防範以免勾結劉銘傳督隊受傷殊  
堪廑念該撫卽傳諭該員加意調治仍一面裹創  
督戰以竟全功降衆二萬餘人必須妥爲安置投

誠賊會邵小雙現經派令駐守奔牛鎮石城一帶  
堵擊丹陽援賊是否可靠仍當隨時察看毋稍大  
意平湖縣城收復乍浦嘉善賊會亦具稟投誠著  
卽飭令劉秉璋等相機妥辦如措置就緒卽行詳  
細馳奏

二十九日  
壬申都興阿奏言蘇垣無錫相繼克復

逆匪勢必各路亂竄節經  
臣飭水陸各軍嚴加

備禦並稽查各隘口使奸匪無從遁跡查江面  
港汊紛歧下游江靖一帶尤甚前因稽察難周  
僅准開八圩六圩兩港俾漚軍往來採買軍需  
並令南岸難民專由六圩港濟渡此時各路降  
衆過多難民紛紛四散江防尤宜倍加嚴密現  
已札飭下游師船統領林宜華等除八圩港係  
漚軍南北往來採買之地仍照常濟渡其六圩

港口向係濟渡難民茲恐奸匪夾雜溷渡暫可  
會同各港口一律封禁以昭慎重至蘇城降衆  
人數至二十餘萬之多諒李鴻章必能妥爲籌  
備但不知目下如何辦理現在南岸各州縣大  
半克復該降衆及難民人等似亦有可安置之  
地無須分飭渡江如遣散之中有係兩湖江安  
等處之人應由淮揚水師查明撥船順江上送

其江安及儀揚附近人民均由儀徵以上登岸  
以便分起遣散不致驚擾裏下河完善腹地相  
應請

旨飭下李鴻章轉飭滬軍各統領及淮揚水師妥爲  
辦理至北岸泰興陸路爲下游要隘現派副將  
劉成元帶領二營前往駐防以資堵禦並嚴飭  
侍衛訥依楞阿日夜沿江探防不敢稍涉大意

奏八

上命議政王軍機大臣傳諭都興阿富明阿李鴻章  
曰蘇城散遣降衆二十餘萬人數過多前經李鴻  
章奏明分別給資散遣回籍惟是否由江南岸陸  
路行走抑有兩湖江安等處之人由江面水路行  
走及渡江北歸者著李鴻章查明轉飭滬軍及淮  
揚水師將渡江降衆分起撥船上送如係江安及

儀揚附近之人均由儀徵登岸以便稽察遣散其  
兩湖安徽等處之人卽由淮揚水師查明撥船順  
江上送以免驚擾裏下河完善腹地勿稍疏忽現  
在南岸各州縣大半克復該降衆有籍隸南岸各  
州縣及該處難民人等如有地方可以安插卽可  
無須分飭渡江所有前留濟渡難民之六圩港口  
卽由都興阿富明阿暫時封禁以防奸匪潛跡此

後如須有仍前設渡之處應由李鴻章隨時察看情形與都興阿富明阿會商奏明辦理此時南岸軍務得手北岸防堵尤宜格外加嚴著都興阿等將儀徵渡口妥爲防範其下游泰興陸路一帶卽著飭令派出之副將劉成元督兵駐守認真堵禦並飭侍衛誦依楞阿於沿江一帶嚴密探防不准以空言敷衍了事

欽定勦平粵匪方略卷三百六十 癸亥年

十二月初二日 甲戌 李鴻章奏言查浙江

會陳殿選卽陳恩榮先於十月中赴潘鼎新劉  
秉璋營中乞降並言城中不願投誠者半謂謀  
定舉事及劉秉璋苦涇張涇匯之捷擬分兵進  
扼新埭該會遂請約期進取十一月初六日潘  
鼎新派夏金標潘鼎立進紮廣陳以觀動靜劉

秉璋派聶桂榮張應魁由楓涇移紮新埭楊鼎  
勳出隊干審劉秉璋進兵鍾埭牽綴嘉屬各逆  
而絕該會反顧之心初七日令徐道奎帶水師  
夜偪城根該會卽勒所部分圍各逆館開城迎  
我軍入當將僞洗天安陶雲從等各館悍賊誅  
殺殆盡督令合城薙髮陳殿選率陳殿魁王應  
海錢玉興朱六玉等所部萬餘人盡降初八日

遂將平湖縣城收復陳殿選初約乍浦賊曾熊  
建勳同降熊曾未決十月二十六日乍浦僞天  
福甘姓密約內應請我軍夜襲之十一月初五  
日三更潘鼎新親督潘國揚潘鼎立等銜枚疾  
走過乍浦東門外牛橋賊壘賊睡中驚起我軍  
殺八鮮得脫者及抵乍城賊衆有備甘曾謀不  
得發潘鼎新當派各軍將澧光山等處賊營四

座分路踏毀殺賊數百名餘匪逃向沿海山坳  
踐死無算我軍天明收隊熊建勳囑於兵威始  
具稟乞降潘鼎新派員齎札進城宣諭初十日  
派丁壽昌唐宏成劉恩洲帶三營進紮乍浦城  
根自督潘國揚一營勒兵平湖南門外以俟十  
二日熊建勳率衆獻城當將乍浦城收復次日  
潘鼎新卽令熊建勳隨同唐宏成等隊前往海

鹽該縣踞逆多熊會舊部經唐宏成等反覆開  
導立時迎官軍入城澈浦鎮踞賊震懼思逃亦  
經熊建勳傳諭招撫十三十四等日遂又將海  
鹽縣城及澈浦鎮收復潘鼎新劉秉璋商派四  
營駐守平湖三營協守乍浦留二營守金山衛  
以固蘇省門戶海鹽暫令降衆自守臣查平湖  
乍浦海鹽各城相爲犄角與浦東金山接壤爲

滬防後路浙省東北沿海屏蔽該降酋等備我  
軍威次第納款浙賊藩籬已撤杭嘉踞逆首尾  
不能相顧據各降酋願率衆往攻嘉興已飭潘  
鼎新劉秉璋等分別遣留相機督勦惟聞歸逆  
鄧洸明等率黨三萬餘人入援嘉興意圖復奪  
各城海鹽澉浦去蘇較遠訪由潘鼎新等隨時  
酌調應援並令程學啟速攻平望嘉善以圖牽

制遊擊徐道奎首先入城搜殺梗逆請以參將儘先拔補並

賞加副將銜降會陳殿選等殺賊歸誠應請

旨分別給予獎勵

李鴻章又奏言臣前因蘇錫攻勦喫緊暫留黃

翼升淮揚水師藉資協助現在蘇州無錫次第克復已飭陸軍乘勝進取西圖常州東略嘉湖

各路水道紛歧尙須多用戰船以資分布惟彭  
玉麟楊岳斌前派赴臨淮師船約期換防未便  
再延商令黃翼升酌帶所部水師五營先行馳  
往臨淮察奪情形會同安徽撫臣唐訓方妥籌  
調度而蘇浙交界進攻正在得手仍留淮揚水  
師六營協同防剿以期兼顧奏入

上命議政王軍機大臣傳諭左宗棠李鴻章曰官軍

連復平湖乍浦海鹽各城現派四營守平湖三營  
守乍浦二營留守金山衛惟海鹽澉浦無官兵派  
守仍令降衆駐紮恐不可靠歸逆鄧洗明等入援  
嘉興意圖復奪各城若復有失則前功歸於烏有  
著李鴻章督飭潘鼎新劉秉璋妥爲調度隨時相  
機策應勿稍大意並著飭令程學啟速攻平望嘉  
善此二城一經得手便可會合浙軍圖取嘉湖劉

銘傳受傷後常州是否接仗並著催令迅克以期  
漸次廓清餘杭杭州近日軍情若何左宗棠前奏  
擬令劉典所部進剿孝豐規取湖州並親紮富陽  
督軍先克餘杭日來尙未見有奏報殊深廑繫該  
督全局胸羅前以髮逆圖竄江皖故以全力協助  
曾國藩防剿浙東保全後路未能分兵攻剿嘉湖  
現在皖南州縣克復殆徧滬軍亦已收復乍浦海

鹽等城聲勢可期聯絡該督當督飭蔣益澧劉興  
迅圖攻克各城並派兵與李鴻章之軍會合以圖  
嘉興湖州所有近日一切布置接仗情形著該督  
隨時迅速具奏李鴻章另片奏令黃翼升帶水師  
五營馳往臨淮等語現在臨淮一帶兵力足敷分  
布而蘇浙交界正在得手需兵助剿黃翼升如留  
在蘇浙一帶必更得力著李鴻章咨商曾國藩唐

訓方妥籌調度卽令折回或派在蘇浙一帶防剿  
或令扼紮緊要江口以益兵力均著妥籌調派

上諭內閣曰江蘇官軍進剿浙西逆匪疊破要隘羣  
賊震懼乞降遂將平湖乍浦海鹽各城及澉浦鎮  
收復剿辦甚屬得手卽著李鴻章飭令在事員弁  
乘勝進兵將嘉興府屬各逆迅速掃蕩毋留餘孽  
遊擊徐道奎著以參將儘先拔補並賞加副將銜

降人陳殿選著賞給遊擊銜陳殿魁著賞給都司銜王應海錢玉興朱六玉均著賞給守備銜熊建勳著賞給三品頂戴花翎其餘在事出力員弁人等著李鴻章查明彙案保奏候旨施恩

初三日

乙亥

馮子材魁玉奏言探得忠會遁往金

陵未出死黨數萬仍在丹句一帶歸僞然王陳逆調遣又無錫官兵進薄常州奔牛孟河等處

逆匪望風歸正僞護王陳坤書所部悍賊數千亦復歸併丹陽臣等恐該逆鋌而走險卽派總

兵張文德等馬步兵勇八千名進紮距鎮十五里之甘棠橋地方一面派總兵田宗揚等相機策應二十日丹逆數千乘我軍布置未定由馬陵抄撲健成兩營張文德令副將楊青山等前後截擊賊始潰退二十一日陳曾率四僞王大

股萬餘三路分竄撲營甚急將士更番轟擊自辰至申斃賊無算該逆恃衆不退楊青山督同副將關松志等會同鎮城馬隊分路兜抄逆屍枕藉都司古龍光遊擊李士喜千總王忠福等殺賊尤衆均以裹創力戰先後陣亡將士憤怒爭先盪擊賊衆登時潰散是日約計斃賊千餘名我軍傷亡數十名臣等聞報飛飭張文德等

督同前敵將士持重堅守仍派田宗揚等由鎮  
城挑派馬步馳往甘棠橋附近扼紮擊其情歸  
二十二日大股逆匪繼擁而來距營里許往來  
馳騁遙爲衝突之勢另股由紅山凹旁抵團山  
窺探後路我軍堅壁不動自己至申該逆再撲  
再卻其氣已竭我軍鼓行而進四面蹙之賊勢  
披靡殲殪不可勝計乘勢追剿十餘里直抵馬

陵華山一帶是日斃賊約有二三千名臣等察  
看目前賊勢斷不能久持惟有督飭鎮將量敵  
而動相機而進聽候上游消息妥爲辦理不敢  
稍有疏虞至此次陣亡之儘先遊擊四川保安  
營都司古龍光儘先遊擊李士喜守備銜儘先  
千總王忠福等三員均以奮勇殺賊血戰捐軀  
相應請

旨飭部從優議卹以慰忠魂奏入

上命議政王軍機大臣傳諭馮子材魁玉曰丹句悍賊由馬陵分路撲營雖經各營將士奮力擊退而官軍傷亡不少著馮子材魁玉督飭鎮營將弁戰守兼資務將各路賊匪悉數殲除勿使竄覲鎮城久踞要地並隨時偵探如常州攻勦業已得手卽酌量分軍會合滬軍相機進取丹陽總須自行紮

穩先爲不可勝以待敵之可勝諒該提督等用兵  
有年必能領會也陣亡之儘先遊擊四川保安營  
都司古龍光儘先遊擊李士喜守備銜儘先千總  
王忠福均著交部從優議卹以慰忠魂

初六日

戊寅

曾國藩奏言僞忠王李秀城自蘇州

逸出統衆數萬分布丹陽句容龍潭石埠橋等  
處初十日忠逆率數百騎由太平門入城曾國

基令蕭孚泗李祥和等在附城一帶修一月牆  
十三日賊山大股來撲我軍力戰卻之賊亦傍  
城增壘防我地道我軍復於十六夜力攻破之  
疊據降賊供稱忠逆既至金陵勸洪逆棄城同  
逃洪逆不從忠逆有向甯國縣繞越開化玉山  
入江西之議臣已咨商左宗棠沈葆楨嚴防東  
路其西路爲羣賊上犯熟徑處處可通臣於徽

甯池三屬派兵分守十城江西之東北邊境如  
石門洋塘景德鎮等隘亦經沈葆楨逐段設防  
惟尙欠大枝游擊之師頃因贛南防務已鬆臣  
函商沈葆楨調韓進春一軍回顧饒景重地以  
期有備無患奏入

上諭曰前據李鴻章等奏忠逆遁回金陵有挾洪逆  
之子竄江西之說疊經諭令曾國藩左宗棠沈

集賢堂之田免三十一  
一  
葆楨等豫爲防範仍著恪遵前旨嚴飭皖南諸軍  
力守要隘毋令該逆乘間上竄江西防務緊要卽  
會同沈葆楨迅將韓進春一軍調回饒景扼紮毋  
稍疏虞

初八日  
庚辰李鴻章奏言臣前飭程學啟李朝斌

水陸各軍進攻平望以圖嘉湖二十二日程學  
啟令劉士奇所部兩營由南廐進紮梅堰塘防

湖州之賊來援餘營分三路進攻李朝斌督水師由汾湖堯勦查平望之賊於鴛脰湖南北岸築石城二座土壘三座皆憑河爲濠異常堅固以巨石沈舟填大河而以木椿阻小河船不能行我軍甫至賊突出二三千人隔河密放洋槍程學啟督王永勝等併力擊退是夜四鼓時賊分兩路劫營我軍聞聲密令各勇潛伏蘆葦伺

賊漸近突起迎之賊復退回二十三日程學啟等分路進攻賊先以大礮遙擊近則偃旗不出我軍開放炸礮數十各勇隨煙擁進正在得手嘉興援賊突來萬餘我軍一面急抽師船迎剿援賊一面仍併力緊攻連開大小炸礮五百餘斃悍賊多名立將各壘攻破賊聞有乘舟逸者悉爲槍船截殺屍骸山積計擒斬頭目三十餘

人悍黨四五千人燒賊船五百餘隻奪獲礮船  
百餘隻援賊氣奪遁走水陸追殺十餘里復擒  
斬數百人二十四日程學啟令王永勝等進攻  
九里橋李朝斌自督兩營由鴛鴦湖會剿立破  
賊營二座追斬百餘人淹斃無算復會劉士奇  
等與水師進攻黎里斬數十級賊已狂奔該處  
賊營二座亦破平望附近一律肅清程學啟派

吳毓棻陸師兩營填紮平望兩石城其三土營  
立即平毀李朝斌派水師兩營泊鶯脰湖相爲  
依護並令費金綬礮船紮牛頭河以杜繞竄之  
路臣查平望一鎮東連嘉興西連湖州南通杭  
郡實爲蘇浙樞紐浙賊多聚精銳守此要隘現  
經我軍攻克嘉湖失此藩籬踞賊當已奪氣仍  
當飭令程學啟等乘勝相機與潘鼎新劉秉璋

各軍夾擊併圖嘉興所有此次出力陣亡各員  
相應開列請

旨分別獎卹

李鴻章又奏冒李鶴章劉銘傳等進剿常州自  
十一月十五日攻克東北門外倉橋寶塔邊一  
帶賊壘我軍紮營進逼十七日李鶴章約會劉  
銘傳各營環攻小北門外大土城賊以槍礮抵

拒我軍力攻四時之久暫行收隊是夜二更李  
鶴章復派張樹聲等進攻賊仍死拒張樹聲親  
督弁勇運草填濠猛撲以火彈焚燒賊棚董鳳  
高率衆殺入手刃悍賊數十名各軍搃斬數百  
名逸者無多遂將小北門口大土城攻克先是  
常州西路奔牛踞賊邵志倫羅墅灣踞賊夏登  
山萬錫階石橋灣踞賊張邦振等共十餘石壘

有衆數千至劉銘傳營中乞降許之派水師營  
官鄭龍彪靳春和帶戰船前往部署復令道員  
馮席珍往督戰守奔牛至小河口運道已通惟  
小河口沿江數里之孟河汎城尙有賊踞十三  
日城賊由西門出撲降衆各營孟河賊亦糾衆  
從西猛攻靳春和馮席珍督同邵志倫等將城  
賊擊退十四日乘勝進攻孟河賊閉關拒守靳

春和激勵降衆一鼓前進拔樁越牆而入踞賊  
千餘擒斬殆盡當將孟河汎城攻克李鶴章劉  
銘傳商派黃桂蘭一營率降衆紮守奔牛以扼  
丹陽來路二十日忠逆派僞章王太股由句容  
來援已抵西門三里街李鶴章令張樹聲等分  
攻各門牽綴城賊自督周盛波等九營專勦援  
賊而令郭松林紮大南門之左架礮轟城午刻

章逆護逆治逆糾衆五六萬分列西南前來迎  
拒李鶴章分兵三路進擊自率童邦喜等在後  
策應章逆徑撲中路經余思樞等擊退追至三  
里街賊營賊未入壘當被我軍踏毀土營四座  
擒斬五六百名護治二逆從兩旁抄襲周盛波  
余拔羣分路截之章逆又率衆回撲余思樞等  
合力痛擊逆勢稍卻李鶴章令童邦喜等遠包

西南五里之外飛調郭松林率槍隊徑撲大南  
門賊卡使賊處處受敵申刻我軍各路衝入賊  
遂大潰追過西門七里橋又破賊營三座擒斬  
溺斃二千餘人臣查孟河汎城爲沿江要口經  
我軍攻克則常郡之賊斷難由此北竄護逆踞  
城死守惟恃忠逆來往應援疊受痛懲援逆亦  
漸不振仍飭李鶴章劉銘傳等合謀偏勦力圖

克復

李鴻章又奏冒欽奉

諭旨都興阿片內有探聞忠逆欲合護侍各逆乘火  
輪船礮船竄擾江陰著李鴻章迅籌布置防其由  
江陰口岸渡江而北臣查江陰城最險固置守尙  
易前因駱國忠自告奮勇協剿常州當飭其分  
帶二營隨劉銘傳進攻卽由李鶴章添撥張士

芳等二營赴江陰填紮協守劉銘傳現圍常城  
西北李鶴章圍偏東南僅西門正面未圍又招  
撫奔牛降衆攻克孟河賊壘不但忠護各逆無  
繞竄江陰之路並不能由常州境內出江北竄  
忠逆所購小火輪船聞已繞赴溧陽刻下游氛  
雖衆賊膽甚虛如果南北岸各軍鎮定堵剿該  
逆似不致由此北竄

李鴻章又奏冒浙江海鹽縣城於十一月十三日收復後十五日璵城踞逆左元惡糾衆數千來犯該處距海鹽十三里當經潘鼎新派唐宏成等帶隊前往督同降酋熊建勳將賊擊走卽將璵城石壘攻毀賊退至沈蕩乘勝追殺餘賊遁入嘉興潘鼎新令降酋吳秉權等分紮三營於璵城犄角堵禦方政德紮二營於三環洞橋

對面以防嘉賊從小路抄後十七日嘉興桐鄉  
石門各逆大股並撲璵城僞會王蔡逆由海甯  
徑撲澈浦海鹽潘鼎新派丁壽昌唐宏成等分  
道馳援十八日唐宏成抵海鹽北門飛飭降衆  
嚴守璵城自督熊建勳等繞山沈蕩截其歸路  
擒斬數百名賊始潰退其撲海鹽之賊經丁壽  
昌等督率降衆扼南門外之路駝橋鏖戰兩時

賊亦潰敗追剿十餘里蔡逆遂併趨澈浦該處  
城廢降酋李汶楚等分紮城外已被賊圍奮死  
抵禦我軍追至偪剿賊乃敗回臣聞聽歸各逆  
黨衆均集嘉興杭州海甯等處該逆雖經擊退  
必復來爭潘鼎新兵力較單暫撫降卒而用之  
臣飭其妥爲控馭並帶所部各營移紮乍浦扼  
海口形勝之地兼顧平湖復調唐宏成協守海

鹽劉秉璋由嘉善進取程學啟由平望進紮亦  
得面而牽制之勢仍飭各軍穩慎以圖互爲策  
應

李鴻章又奏言臣欲保蘇滬門戶不能不進圖  
浙西以剿爲堵各城踞逆抗拒者設法攻打投  
誠者乘勢招撫潘鼎新受平湖乍浦海鹽之降  
臣意初欲盡遣之劉秉璋潘鼎新等皆以前路

賊勢尙多地形散漫我軍分布防剿實苦單薄  
且與浙軍中隔杭嘉海甯各城難遽聯絡誠慮  
逆衆挺走或有潰裂之時不得已暫就降人可  
用者撫而留之准該降會備資自效仍隨時籌  
捐接濟此目前權宜辦法臣飭潘鼎新等嚴明  
約束力禁騷擾平湖乍浦守事我軍主之海鹽  
則我軍督降衆守之似尙操縱由我惟左宗棠

行營相庠較遠自杭來蘇必須繞由甯波渡海  
新復地方不可一日無官若拘泥文法俟浙省  
委員來署恐多遲誤且與客軍及降人雜處或  
且裹足不前可否變通辦理倣照前湖北撫臣  
胡林翼進剿安慶太湖潛山由鄂委員代理地  
方成案暫由臣慎選委員於收復浙省府縣時  
就近暫委代理以便調協軍民彈壓撫綏仍咨

明浙省備案俟浙江委員到後再飭交卸或俟  
杭城克復左宗棠兵力能及再統由浙省覈辦  
其暫留降衆仍責令經手人員逐漸遣散伏乞  
聖鑒訓示

同日馮子材魁玉奏言逆衆經官軍擊退後尙  
未遠颺旋據探報忠逆之子勾結勾容悍賊岡  
天義黃逆率黨分道圖犯甘棠橋新立營壘十

一月二十四日大股賊匪約二三萬衆分西南  
兩路直撲營盤勢極兇悍臣等豫派副將周伯  
雲等前往助陣經總兵張文德飭令會同已革  
副將陳步高等率隊紮西路並派副將刁經明  
率馬步伏東路山凹以備策應該逆先以數十  
騎誘敵我軍屹不少動相持約兩時許句逆岡  
天義恃勇猛進率洋槍賊隊直撲陣前副將楊

春山整隊以待見賊近在五十步以內始令開  
放排槍連環轟擊賊勢不支紛紛倒地步軍衝  
入賊隊適見黃衣逆賊中槍墜騎軍士割取首  
級搜得阿天義偽照羣賊紛紛奔竄楊春山等  
乘勢跟追斃賊極多其東路之賊已知黃逆被  
誅遂巡遁副將刁經明等當由山後抄出擊  
斃賊匪無算二十五日諜知羣賊遁入丹句各

城不敢窺伺鎮防臣等仍飭各營戢爲備禦相機而動現又探得丹陽踞逆擬派僞翹王等分援常州孟河等處聲東擊西是其慣技惟宜慎固鎮防根本徐圖進取之機均奏入

上命議政王軍機大臣傳諭曾國藩都興阿左宗棠李鴻章馮子材魁玉曰平望鎮爲蘇浙兩省樞紐賊之精銳併聚程學啟等軍破壘之後李鴻章現

派陸營填紮並以水師泊鶯脰湖礮船紮牛頭河  
杜賊匪繞竄之路常州各軍收降奔牛踞賊攻破  
孟河汎城已進紮各門擊退句容援賊海鹽之軍  
攻奪輿城石壘嘉甯之賊屢撲海鹽皆經擊走李  
鴻章以潘鼎新所部兵力稍單暫撫降衆用之並  
帶所部移紮乍浦兼顧平湖復調唐宏成之軍協  
守海鹽程學啟由平望進紮劉秉璋由嘉善進取

以爲面面牽制之勢辦理均極妥協卽著李鴻章  
督飭各軍穩慎進攻不可稍涉大意嘉興克復卽  
與浙省之軍會取湖杭常郡克復卽與鎮城之軍  
會攻丹句並著曾國藩隨時妥籌兼顧商令曾國  
荃乘此賊勢大蹙面面受敵之時相機進取擣穴  
擒渠勿令洪逆與李秀城伺隙圖竄左宗棠亦卽  
督令浙西各軍迅速進攻期與蘇軍聲勢相倚以

收夾擊之效忠逆之子勾結丹句悍賊黃逆撲犯  
甘棠橋新營馮子材所派各軍力戰退賊鐵厥渠  
魁鎮城防守尙爲穩固仍著馮子材等嚴行備禦  
防剿兼施並著都興阿嚴防北岸以杜竄越與南  
岸馮子材等聲息相通飭令水陸各軍鎮定堵剿  
毋稍懈弛李鴻章奏忠逆所購小火輪船聞已繞  
赴溧陽究竟是何詭謀仍須飭令各路嚴加防範

至新復浙西府縣此時杭城未克浙省不能顧及  
自應暫由蘇省就近妥籌彈壓撫綏卽著照李鴻  
章所請由該撫慎選妥員暫委代理此係權宜辦  
法俟浙省兵力能及卽統由浙省委員接替

上諭內閣曰賊匪盤踞江浙交界之平望鎮等處經  
李鴻章飭令水陸各軍進攻平望速破賊壘擒斬  
賊目三十餘人悍黨四五千入燒燬賊船五百餘

隻進攻九里橋立破賊營二座追斬百餘名黎里  
之賊望風狂奔復破該處賊營二座平望附近一  
律肅清勦辦甚屬得手著李鴻章督飭諸軍乘此  
聲威迅速攻取嘉興毋稍延緩其尤爲出力之記  
名提督劉士奇陳東友李助發記名總兵王永勝  
何安泰周正林均著遇有總兵缺出先行請旨簡  
放副將龔生陽著賞給威勇巴圖魯名號阮炳福

著賞給冠勇巴圖魯名號儘先參將張行科彭連  
陞均著以副將推補五品藍翎費金綬著以守備  
補用並賞換花翎陣亡守備孟得元謝正元王德  
昭張萬青把總劉富春林得勝涂長慶劉得才外  
委馮萬順劉保善李春瑞陳玉林李承熙均著交  
部從優議卹

初十日  
壬午  
李雲麟奏  
旨接准陝西撫臣劉蓉來

咨以所部川軍已擬由甯羌進趨褒沔催令臣  
速由興安進剿西鄉踞匪以杜該逆下竄之路  
又疊接各路探報漢中之賊擬分黨十餘萬由  
興安漢陰一帶竄犯楚邊等情查前此藍逆與  
髮逆合謀分股東下者原以牽掣楚軍之勢使  
之不能西上今該逆由山陽敗竄商南距漢中  
已千餘里聲氣不通正可乘勢西上若猶以楚

師一意東追則趨而愈遠漢中之賊必將因甯  
羌已進重兵全股東下彼時興商郡縣路路空  
虛必盡爲賊踞縱楚師返旆西征衆寡懸殊亦  
屬緩不濟急臣旣奉劉蓉疊次咨調不敢稍事  
遲延當卽督率親兵先赴興安並飭所部各營  
陸續前進現聞西鄉踞城之賊因楚師西上已  
有懼意此時進攻西鄉則漢中可望轉機退剿

川匪則興郡亦成危局且各營將抵興安斷難  
再退儻進兵之後所辦不能有功卽請治以重  
刑以儆延誤惟據鄖西縣知縣林瑞枝稟稱山  
陽東遁之賊復由商水關回竄商南又由商南  
竄至湖北鄖西之趙家川一帶游弋並聞該逆  
欲分爲兩枝一由鄖西下四十里之天河口偷  
渡一由鄖陽上三十里之武陽等處偷渡由竹

谿回川等情查武陽一帶有梁作楫所帶凱字  
五營截剿已足遏其去路惟鄧西一路雖有林  
瑞枝在彼扼防僅恃鄉團恐難周密現已派總  
兵蔣運喜率義勝兩營回援楚疆計二十九日  
可抵鄧西縣境並派漢營水師前往堵截一面  
飛咨梁作楫迎頭截擊並咨總兵藍斯明在商  
南扼要嚴防不使仍由舊境回陝似此三路堵

勦諒不難於殄滅矣奏入

上命議政王軍機大臣傳諭官文嚴樹森李雲麟曰  
山陽敗匪竄至鄖西之趙家川等處欲分兩枝偷  
渡回川武陽一帶有梁作楫截勦鄖西一路經李  
雲麟調總兵蔣運喜率義勝兩營回援並派水師  
前往堵截著官文嚴樹森卽飭令梁作楫等將武  
陽等處股匪實力殲除如兵力尙不敷勦辦卽著

酌度調派務將此股竄匪盡數殄滅毋任再有竄  
越李雲麟既經劉蓉調赴興安著卽將西鄉踞匪  
先行攻克會商劉蓉分路進兵以期節節掃蕩該  
京卿旣稱進兵之後儘所辦不能有功卽請置以  
重刑諒必確有把握如任漢中之賊竄犯興安關  
入完善之地定惟該京卿是問

十一日  
癸未 駱秉章奏言查漢南賊勢蔓延甚廣

大隊屬聚於黃官嶺牟家壩法慈院紅廟塘新  
集一帶銳意窺川湘果桂字嚮導各營甫挫之  
後軍威難以驟振臣已飛飭果後九營由保甯  
馳赴巴州聽候陝西撫臣劉蓉調撥前赴南通  
邊界與湘果等營聯絡扼剿復由昭化抽調參  
將許蔭棠一軍馳往通江以期周密惟賊衆兵  
單昭廣一帶隘口紛歧僅有武字定武兩軍及

參將黎鴻鈞所部共六千餘人分布各隘勢雖  
越境山勦此時劉蓉若徑率各軍出青石關以  
規漢南賊得分路衝突以全力抗拒難期得手  
須俟新募楚勇到齊兵力既厚或勦或防數路  
並進大張撻伐漢中可望肅清川境不致蹂躪  
至漢郡之賊前因援軍失利遂越城縱火房屋  
一概延燒城乃失陷據湘果各軍稟報漢郡人

民因賊全數調過南岸其圍已鬆遂於二十日三更放火潰圍而出紛紛向城固一帶逃走現據劉蓉咨及各路探報該逆日拆民房輒石增修城垣意圖久踞又據總兵周達武稟報城內逃出難民供稱盧又熊死於城下其餘文武未知下落等語是否屬實未得確信沔縣城池雖據毛震壽稟稱經該縣文武官紳收復又據定

武營曾紀鳳探報沔縣之賊退聚褒沔之交黃  
沙驛長寨等處現查留壩褒城新集一帶賊尙  
縱橫沔縣如何收復之處難以確探應請

飭下陝西撫臣劉蓉就近確查具奏奏入

上命議政王軍機大臣傳諭略秉章劉蓉曰據略秉  
章奏漢南賊勢蔓延甚廣大隊圍聚黃官嶺等處  
銳意窺川此時劉蓉若徑率各軍出青石關以規

漢南賊得分道衝突難期得手須俟新募楚勇到  
齊兵力旣厚數路並進漢中可望肅清川境不致  
蹂躪等語自係爲慎重軍務起見惟漢中賊勢狃  
狃與其各處設防不如一力進剿且劉蓉受命撫  
陝將及半載該撫於九月間奏請派員回湘募勇  
三四千名有臘底取齊三路進剿之語並云俟所  
調果後九營到後親自統率進駐青石關先固川

疆門戶略秉章現已飛飭果後九營由保甯馳赴  
巴州聽該撫調遣並調參將許蔭棠一軍馳赴通  
江及武字定武兩營黎鴻鈞所部六千餘人分布  
各隘兵力不爲不厚卽新募楚勇計時亦應到川  
著劉蓉卽行統率各軍星速前進駐紮青石關力  
圖克復漢中城固等處會合李雲麟等約期進攻  
以解漢南倒懸之危無得任意遲緩盧又熊是否

死於城下其餘文武下落究竟若何留壩褒城新  
集一帶賊勢若何沔縣如何收復之處著劉蓉於  
行抵漢中後查明速奏